

صاحب امتیاز و سر محرری

اورفہ مبعوثی

شیخ صفوت

مرکز توزیمی باب عالی جادہ سندہ

جمعیت کتب خانہ سیدر

نسخہ سی ۲۰ پارہ در

تصوف

بالجلہ محررات در سعادت پوستہ خانہ سنہ

تصوف جریدہ سی نامہ کوندر ملیدر

قوطو نومرو سی ۱۴۳

شرائط اشترا

سنہ لکی ممالک عثمانیہ ایچون

۳۰ غروش ، مصر و ممالک اجنبیہ

ایچون ۷ فراقدر .

التصوف کلہ آداب : ابو حفص عمر بن مسلمہ

عرفای امتک مقالات عارفانہ لرینہ تصوفک صحیفہ لری آچیقدر

تصوفہ متعلق مباحث شتادن باحث و مکارم اخلاق اسلامیتک تعمیمنہ خادم مجلہ معنویہ در

علیهم صلوات الرحمن حضرتانند بری اثثنای مناجاتانده
(یارب! بندن راضی اولدیغی نصل آکلایه بیلیرم .)
دیمش و جانب اقدس السیدن وحی ایدیلرک (فقرا
ومساکینک سندن راضی اولوب اولمدقلرینه دقت ایت!)
بیورمشدر .

هجرت سنهدن صوکره فقرای مهاجرین مسجد
نیویٹک صفه سنده اقامت ایدرلر ایدی . بوذوات کرامک
علو قدر و منزله لری حقیقده متعدد آیات کریمه شرفنازل
اولمشدر . حضرت صدیق اکبر برکون بعض مسموعاتی
اوزرینه مشارالیه حضرتاتی آزارلامش ایدی . بوکیفیت
معلوم جناب رسالتنهای اولنجه صدیق اکبره خطاباً
(یا ابا بکر! آنلری اغضاب ایتش اولیمه سک؟ زرا
آنلری اغضاب ایتش ایسه ک تعالی و تقدس حضرتلرینی
اغضاب ایتمشک!) بیورملری اوزرینه صدیق اکبر
هان مشارالیه حضرتانه مراجعتله معامله سباقه دن
دولایی سزای اغضاب ایتش اولیمه دینجه (لاویغفرالله
لک یا ابا بکر) بیورمشدر . یعنی (خار! سن بزای
اغضاب ایتدک جناب حق سکا مغفرت ایلسون یا ابا بکر!)
دیمکدر .

مساکین و فقرایه میل و محبتک و غایت متواضعانه
حسن معامله و صحبتک حکمت دینییه سی آفا تفصیل
ایدلیکی اوزره سنن سنیه به متابعت و حکمت اخلاقیه سی ده
رؤیت نفس ایله اتانیتک ترکندن عبارتدر بو خصوصده
اسلاف کرامک مناقب سینه لری جدآشایان تدقیق وتأمیلدر .
عبدالعزیز ابن ابی رواد حضرتلری : (جناب حقه یمین
ایدرمکه ایوم بر یوزنده بندن دها فنا آدم بیلمیورم)
بیوریرلر ایدی . یونس بن عبید حضرتلری عرفه دن
عودت بوپورده لری صرهده موقف مبارکده حجاج کرامی
نصل بولدک: دیه ایراد ایدیلان برسؤالک جوابنده (هپ
خیرلی ذوات ایدی یالکزن بن ارالزنده بولنیوردم اگر
لطف آلمی اولمیدی بنم سیمدن حجاج مسلمینه رحمت
ربانیه نازل اولمز ایدی) بیورمشدر .

بشر بن منصور نماز قیلازکن صوکره درجه خشوع

دائماً نزدالوهریده احراز ایدیلرک مراتبک علودرجاتی
نسبتنده در . محبت آلمیه نسبتنده ابتلاک ابتلا نسبتنده
علو مقام واصطفانک ظهوری سنن سنیه آلمیه دندر .

ایشته اعتراضات باطله بالاسنک دلالتیه محبت مقدسه
ربانییه مظهریتلری ثابت اولان ذات ساهی مشیختنهاییه
عرض تبریکات ایدر وارباب اعتراضاتک دخی ندامت کاهله
ایله توبه مقبولیه موقتیتلرینی هادی حقیقی تعالی و تقدس
حضرتلرندن دعا ونیاز ایلرز . والله یدی من یشاء الی
صراط مستقیم .

اخلاق صوفیه

حب مساکین

فقرا و مساکینه میل و محبت ایله دائماً کندیلرینه
نوازش و مرحت و تواضع و حرمت ایلک : مکلام
اخلاق صوفیه دندر . چونکه بو معامله انسانیته کارانه
اساساً محبت آلمیه مقتضاسیدر (قل ان کنتم تحبون الله
فاتبعونی یحبکم الله) آیت کریمه سنک دلالت صریحه مسیه
حق تعالی حضرتلرینه محبتلری اولانلر : دائماً سنن سنیه
نیه به اتباع ایدرلر . سیدالکونین والثقلین پیغمبرمر
افدسز حضرتلری فقرا و ضعیفیه صوکره درجه حرمت
و محبت ایدرلر ایدی حتی ادعیه مقدسه رسالتنهایلرنده
(اللهم احبنی مسکیناً و امتنی مسکیناً و احشرنی فی ممره
المساکین) بیوریرلر ایدی . فقرا و مساکین ایله همبزم
اولدقلرنده غایت متواضعانه بر صورته دیز چوکرک
(انما انا عبد اجلس کما یجلس العبد) حدیث شریفیه
اصحاب و امتنی ارشاد ایدرلر ایدی . یعنی (بن الحقیق بر
قولم قوللر ناصل او طور برلر سه بنده اوله جه او طور برم)
دیمکدر .

سفیان ثوری حضرتلری بیوریرورکه قیافتی
پژمرده و پریشان بر فقیرک کلوده برابرنده او طور .
مسنیدن دولایی متآذی اولان بر آدم ناقص القدر .
فضیل ابن عیاض حضرتلرینک روایتلریله انبیای دیشان

و خضوعی التزام ایدر لر ایدی بر کون نمازده ایکن بلدیکی
بر ذات اوراده بولنیوردی نمازدن فارغ اولنجه او ذاته
خطاباً بیورمشلردرکه : برادر ! صاقین شو قیلدینغ نمازه
باقوبده تعجب ایتمز را ابلدیس ملکلرله برابر بیکلرجه سذرلر
عبادت ایتمش ایدی لکن عاقبتنده نه اولدینغی بیلیرسک !
مثال اوله رقی ابراد ایدیلان واسلاف کرامه عائد بولنان اشبو
مناقب سنیه هر دلرو فیض و فتوحک متبعیدر . بوصفت جلیله
ایله متصف اوله بیلیمک ایچون حضرات صوفیه غایت عارفانه
بر دستور فضیلتی توصیه بیورمشلردر : هر بر انسان
کندی نفسنده ضرور و قصوری عین الیقین بیلیر . لکن
دیگر لر یکنک قصور و قیامجه کانجه هر حالده ظن درجه سنده
قالیر ظن ایله یقینک آراسنده کی فرق و قوت نظر دفته
النیرسه نفسنی دائماً هر کسدن آشانغی کورمهک مجبور
اولور . ایشته بوتون اعظم امتک کندی نفسلرنی هر
کسک مادوننده رؤیتلری بو دستور اخلاقییه مبتنیدر .
نفسلرنده بو درجه تواضع و محوی، التزام ایدنلرک :
مساکین و فقرا ایله همیزم صحبت اولدقلرنده هر حالده
اظهار حرمت و محبت آیدجکلری ضروریدر . (اللهم
احشرنا فی زمره الفقراء و المساکین برحمتک یا ارحم
الراحمین آمین .

تراجم احوال صوفیه

سلمان فارسی

اوتوز اوچینجی نسخه ده کی مقاله نك ماہمیدر

سرور انیسا علیہ اکل التحایا افندمن حضرتلرینه
سرکذشتنی تمامیه عرض ایلدکن صوکره صحابه کرام
حضراتنک دخی بوسرکذشت نجی استماع ایتملری آرزوی
مقدس نبویدن اولمغه مشار الیهم حضراتنده آروجه
نقل و حکایه ایلدم . اعاده حریت ایلسک اوزره یهودیله

مکاتبه (۱) فرمان بیوردیلر . بناء علیہ تحت اسارتند
بولندینغ یهودیله مقاوله کریشدیکمه یکیدن غرس ایدیلرک
یتیشمش اوچیز خورما آعاجیله اوچیزو مقال آلتون
اوزرینه عقد مکاتبه ایله کفایتی حضور سعادته عرض
ایتدم . اصحاب کرامه خطاباً (فازداشکزه معاونت ایدیکلر!)
بیوردیلر . فرمان جناب رسالتناهی اوزرینه اصحاب کزین
حصرائی اوتوزر ، اون بشر و هکذا هرکس استطاعتی
نسبتنده خورما فدانلری اعانه سنده بولنیوردی اوچیزو
فدان جمع ایدلش ایدی . یسفمضر افندمن حضرتلری
بونلری بالذات ید مبارکریله غرس ایتمک اوزره لرلرینه
حفر و احضار ایلدکن صوکره عرض معلومات
ایتمکلمکی اراده بیورمشلر ایدی . لرلرینک مهیا اولدینغی
عرض ایدنجه عللرینی تشریف ایله جمله سنی برر بر ید
مقدسلریله غرس ایدیلر . علم الله بونلردن بر داغسی
بیله قورومدی . شو صورته مکاتبه بدلدنن خورما
آعاجلری تأدیه ایدلش ، یالکز اوچیزو مقال آلتون
قالش ایدی . نبی محترم صلی الله تعالی علیه وسلم افندمن
حضرتلری ید مبارکلارنده بر یورمله قدر آلتون
بولندینغی حالده فارسی مکاتب (۲) زمره ؟ دیه سؤال
بیورمشلر ایدی . درحال حضور سعادتلرینه دعوت
اولندم . مبارک اللرنده بولنان آلتونه اشارتله (بونی آل!
وزن ایدرک بورجکی ادا ایت !) بیوردیلر . یارسول الله
بوکفایت ایتمز دیدم . (سن آل! حق تعالی حضرتلری
بونکله بورجکی ادا ایتدیر) دیدیلر . تعالی و تقدس
حضرتلرینه قسم ایلرمک : او یورمله تقدس آلتوندن
اوچیزو مقالی تماماً وزن ایتمکله معجزه نبویه برکاتیه

(۱) مکاتبه : اصطلاح شریعه معیلاً یاخود مؤجللاً بر
بدل معلومک تأدیه سی شرطله عبد مملوک ایله مالکی آراسنده
ایجاب و قبول ایله عقد مقاوله بدیلرک بو مقدسک وقتونده
عبد مملوک فی الحال تصرفه قادر اولدینغی کی بدل معلومکله تأدیه سیله
برابر نائل حریت اولور .

(۲) مکاتب : صیغه مفعول ایله مکاتبه فی عقد ایدن عبد
مملوک دیلایر .